

Te Heheuraa Api

E ITE IĀ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALEZIA A IESU MESIA I TE FEIA MO'A
I TE MAU MAHANA HOPEA NEI

NENKIHIA I PAPEETE, TAHITI, I TE MAU AYA'E ATOA

Te hoo: E 30 farane i te matahiti.

Nº 6

-- TIUNU 1951 --

MAT. 38.

Te Paraoa Pane.

I TE tahi anotau i mairi ae'nei te parahi ra te hoê vahine ruau i te fenua ra i Baratane. E vahine huru ruau e te veve hoi: aore ana e moni, e aore hoi e fare maitai: sita ana e fenua e aita roa e hoa. E moni rii ta'na tei roaa mai ia'na na roto i te raveraa i te ohipa ninoraa, e ua navai taua moni ra ei hoo i te hoê tufaa rii maa e te ahū mahana rii.

Area râ, e hoê mea faufaa rahi ta taua vahine veve ra, oia hoi te Bibilia. E Bibilia huru rahi ia e te au maitai hoi. E mea oti maitai ia'na te tai'oraa i taua buka ra, no te mea i nenei faa-rahi hia te mau parau i roto ra. E mea papu roa ia'na te mau parau i roto i te Bibilia, e e mea papu te mau faaueraa e te mau ture a te Fatu. Noa'tu te veve e te ite ore o taua vahine ra, ua oti ê ana ia'na te tai'oraa i te mau ture e te mau faufaa atoa hoi i roto i te Parau a te Atua.

E mea atea roa te fare pureraa i to'na vahi parahiraa, no reira aita oia i haere pinepine i te mau pureraa ra, ua papu noa râ ia'na te mau ture e to te Atua hinaaro ia'na ra.

E eiâ anei oia? Eita roa'tu oia e na reira pohe noa'tu oia i te poia. E haavare anei? Aore roa ia; i îte na oia e, e mea hape roa te reira mau huru mea. E taparahi anei i te taata? Eita. Aita roa hoi ia ohipa i au i taua vahine ruau ra. *E te mau mea'toa ta outou i hinaaro ia vetahi ê ra, e na reira atoa'tu outou ia ratou ra.* O to'na ia faaroo.

I te tahi nau mahana i muri mai ra ua îte oia i te hoê tamarii tamaroa fanau apî tei faaruehia i pihaiho i te hoê anavai. Rave maira taua vahine ruau ra i teie nei tamaroa iti fanau apî ra, afai atura i to'na vahi parahiraa, faaamu atu ra ia'na. Tupu ihora taua tamaiti, riro ihora ei tamaiti itoitoe e te maitai hoi e ua riro oia ei haamaitairaa rahi roa no taua vahine ruau ra.

Ua haamata taua vahine ra i te haapii atu i te pure i taua tamaiti ra, e i muri mai, ua oti i taua tamaiti ra te tai'oraa i te Parau i papaihia i roto i te Bibilia, oia hoi te Parau a te Atua. Teie te maa i horoahia na taua tamaiti ra, maori râ te umara e te tihopu e ua navai roa ia no te pae tino; e te Parau a te Atua ra, e maa maitai ia no te paeau varua ra e tupu ihora taua tamaiti ra i te maitai.

I te ahuru ma piti raa o to'na matahiti rave ihora oia i te ohipa rii. Tupuhia ihora oia i te hinaaro i te rave i te ohipa rahi ia huru rahi a'e te moni e noaa mai, parau atura oia i to'na metua vahine faaamu, na ô maira; "E tau metua te hinaaro nei au e imi i te tahi ohipa huru maitai a'e ia noaa mai te moni e navai no te hooraa i te maa maitai e te fare maitai atoa hoi na taua. Te mana'o nei ua e, e mea maitai a'e ia'u ia haere vau i te oire rahi ra, oia hoi i Lonedona.

E haere au i reira e imi i te ohipa moni rahi; eita oe e moe ia'u, na'u e haapono mai i te moni na oe, e ia rahi rii ta'u moni, e ho'i mai au i ônei na oe ra."

Tupuhia ihora taua vahine ruau ra i te oto, no te mea, aita oia i hinaaro ia taa-ê i ta'na tamaiti; i muri mai ra, mana'o ihora oia e, e riro paha e, e mea tia ia haere taua tamaiti ra i te oire rahi. Ia poipoi a'era rave ihora te tamaiti i to'na mau ahu, tuu ihora i roto i te hoê pute. Horoa'tura to'na metua vahine i te tahi mau faraoa monamona na'na. Faarii atura oia i te haamaitairaa a to'na metua vahine, faarue atura i te utuafare e haere atura i te oire rahi.

Ia mairi a'era e toru mahana i te tereraa, tae a'era taua tamaiti ra, (o Hiu to'na i'oa.) i te oire ra o Lonedona. Ua rohirohi roa oia e imi ihora i te hoê vahi taоторaa e tae atura i te hoê fare pureraa, mana'o ihora o Hiu e, e vahi maitai teie no'na ia taoto. E poipoi a'era, ara maira o Hiu e pure atura oia i te Atua; amu ihora i te tufaa rii maa i toe ia'na ra e haere atura oia i te imi haereraa i te ohipa.

Aue ra e! Ua rahi roa te mau tamarii no te oire iho tei imi i te ohipa e e huru maitai roa a'e to ratou ahu e to ratou reo i to Hiu, no reira aita oia i maitihia, ei rave ohipa, i tera vahi, e i tera vahi.

Pau a'era na mahana e piti ra e aore roa e ohipa i roa ia Hiu: pau roa a'era ta'na maa e poia ihora oia. Aore oia i hinaaro i te haere e ani haere i te maa: puai roa'tura to'na poia e taoto a'era oia i te pae purumu e ara maira oia i te poipoi roa no te mea e tiaoro hia e te mau mutoi.

I te poipoi roa ra te hahere noa ra oia na te mau aroa hi'o ihora oia i te hoê pereoo puaahorofepua, te tere ra ia i nia i te purumu na mua ia'na ra. Ite ihora o Hiu e, e pereoo teie no te hoê taata tunu faraoa pane, no te mea ua i

roa ia pereoo ite faraoa pane tunu apîhia. A tere ai taua pereoo na taua purumu huru hupehupe ra, topa maira te tahi faarii faraoa pane, mai nia mai i te pereoo tei te pae avae iho o Hiu. Aita te taata faahoro pereoo i îte e, ua moe ia'na taua faraoa ra. Haru maira o Hiu i taua farii faraoa pane ra, haamata ihora i te afai i te hoê faraoa pane i nia i to'na vaha a amu ai; ua fatata roa a'era te faraoa i to'na vaha faaroo a'era oia i te hoê reo iti nainai i roto ia'na i te na ôraa e, *Eiaha oe e éia*. Haamana'o ihora o Hiu i te mau haapiiraa a to'na metua vahine ruau e mana'o ihora oia e, e ere teie faraoa pane i ta'na, na tera taata ia.

Horo haavitiviti noa ihora oia na muri i te pereoo, pîi haapuai atura i te taata faahoro, faroo a'era taua taata ra ia'na tapea ihora i te pereoo, na ô atura o Hiu ia'na. "E hoa e, na topa iho nei teie faraoa pane mai uia mai i to oe pereoo, a rave, na oe ihoa ia."

No to Hiu amu oreraa i te maa e no te mea i horo oioi hoi oia, ua pau to'na aho e ua paruparu hoi oia, fatata roa ihora oia i te topa i raro i nia i te purumu. Hi'o atura taua taata ra ia'na, na ô atura: "E hoa, eaha to oe na peapea?"

Pahono atura o Hiu ia'na; "Te pohe nei au i te poia no te mea e piti mahana i mairi a'enei aore roa a'u maa i amu." Na ô maira taua taata tunu faraoa ra ia Hiu: "Eaha ra, te pohe nei oe i te poia e te faahoi mai nei oe i teie faraoa ia'u nei? E mea maere te reira huru ia'u nei, e taata râ oe i te maitai; aue hoi e." Pahono atura o Hiu ia'na:

"Ua haapii mai to'u metua vahine ia'u e, e mea hape roa te reira."

Rave ihora taua taata ra ia Hiu, afai atura oia ia'na i nia i te pereoo, horoa'tura ia'na i te tahi faraoa pane e paia ihora o Hiu. Faaite atura o Hiu i te mea i haere mai ai oia i te oire, oia hoi, te imiraa i te ohipa. Afai atura taua taata

tunu faraoa pane ra ia Hiu i to'na fare toa, faariro ihora ia'na ei tauturu no'na e oaoa roa a'era o Hiu. Aita i maoro noaa maira ta'na moni e i muri mai ua tae to'na metua vahine i pihaiho ia'na i te oire ra. Aita i maoro i muri iho riro a'era o Hiu ei ona no taua fare toa ra; faaipoipo ihora oia e na'na i haapii atu i ta'na ra mau tamarii i te parau mau e te mau ture atoa hoi o tei papaihia i roto i te Buka Mo'a, oia hoi, te Bibilia.

To Tatou Hiero Api I Los Angeles California.

© IA mau roa, te mana'o tei ui mai ra e, "Ehie hoi moni te pau i te hamaniraa i te Hiero hoê?"

E i te pahonoraa hia'tu e, hoê mirioni dollar moni Amerita, aore ra, ia tauhia te reira i roto i ta tatou moni Tahiti nei ra, e aburu mirioni tara Tahiti ia. Raurau atura te mau taata i te upoo e maere ana'e atura mai te mana'o pahha te tahi pae e, e hauti noa te reira parau, e aore ra, e haavare.

Oia mau roa ra, e au mau hoa taio vea nei e, o te reira mau te moni te pau note faatiaraa i te Hiero hoê. I te mau Hiero tahito atu tei nia roa'tu a ia te moni. E mau fare rarahi roa te Hiero. Hamani hia ratou i te mau hohoa modere e te aravihi rahi o te fenua no te hamaniraa i te reira.

Parau hia te hohoa no teie nei fare api e, te hohoa "*Ancient Mayan architecture.*" To'na mau ofai, te mau poro anaana, e te mau metaro maitatai ana'e o te fenua nei

tei rave hia note faatiaraa o te Hiero. Rave rahi to'na mau piha nehenehe roa note rave raa i te mau oroā mo'a no tei pohe. Rave rahi te mau tiare tupu nehenehe e te noanoa rahi i tuu haere hia i roto i to'na mau piha, Area ra, e ore roa'tu e roaa mai ia taton te huru mau e te nehenehe rahi o teie nei fare na roto noa i teie nei mau faaiteraa i faaite rii noa hia i nia nei i to to'na iho huru mau mai tei neneihia e te vea na te Ekalesia "*Deseret News Church section*." no te 13 no *Ditema 1950*, o tei na'o maira e, "O te ahuru ma toru raa teie o te mau Hiero i faatia hia e teie nei *Ekalesia a Iesu Mesia i te Feia Mo'a i te Mau Mahana Hopea Nei*."

Tei Los Angeles to tatou Hiero apī te faatiaraa i teie taime. E oire rahi tuiroo teie no te fenua Amerika i te mea e, o te oire rahi tavoriraa cinema roo rahi teie o te ao taatoa nei, Los Angeles. Te uira ra te mana'o e, "*Ehia hoi melo to te Ekalesia nei i teie vahi o Los Angeles atiai ia faatia hia te hoē Hiero rahi nehenehe i reira?*" Pahono mai nei te vea na te Ekalesia i faaite hia i nia nei no te 13 Ditema e, "hanere tauatini (100,000) melo to tatou i Los Angeles. "Mai te tupu raa mau a teie o te taria iore te huru. Te io'a te reira no te hoē maa tupu oioi roa ia faaapuhia i roto i te mau aua faapuraa, o te huru atoa ia o te oioi te tupu atoa raa o te Ekalesia nei i teie vahi o Los Angeles. Eaha hoi oe e te rara taata e maere ai i te rara taio, "*Hanere tauatini melo i Los Angeles?*" E ere anei e, e parau mau roa te heheuraai beheu hia mai ia Iosepha Semita te Peropheta i Hiramā i te avae Atopa i te 1831, no te hoē ofai nainai ooti rima ore hia no te mou'a teitei roa e otei ohu noa mai i raro e i to'na tae raa i raro ra rahi roa'tu ra e na i te ao taatoa nei ia'na! *Buka Fafau Momoni pene 65:2*. Ua faaite atoa mai o Daniela i teie ofai i te pene 2:45. *Ataio na ra oe i teie na irava*. E homa e, e ofai faarue e taataahi hia teie e te feia patu

fare tahito ra. Luka 20:17- Ua tae ra i te tau e ore ro-
a'tu ai teie nei ofai e faarne faahou hia. Tei te tau oia
i teie nei e riro ai ei ofai rahi no te patu i faarue tahito hia
ra. Aore a te vavahi faahou i teie nei. *E haere atu ia ana?*

E parau mau roa e te papai vea, i ta oe mau parau
ta oe e faateitei mai nei, teie ra tau nei uiraa iti hopea ia oe.
"Nohea mai teie moni rahi e hamani hia nei i teie mau fare
rarahi?" Aita rea te parau i oti roa i te ni hia mai, pahono
mai nei to'na iho hoa e, "na te hau Amerika te moni e mea
tarahu hia mai," Ata roa hia vau i teie na taata i te mea e
e ere hoi i te taime matamua teie i to'u nei faaroo raa i teie
nei parau. Rave rahi taata tei hi'o e tei îte i te rupu oioi
raa o teie mau ohipa i te mau vahi atoa e no te rahiraa ra,
mana'o na'o atura e e mea tarahu hia mai te moni. Ehoa
iho ma e, e ere roa'tu mai te reira. Eere roa'tu i te mea
tarahu hia mai te moni. E ravea hau e roa'tu ta te Ekale-
sia nei no te faatupuraa i teie mau ohipa. Te ture hau ro-
a'tu teie a te Atua no te tautururaa i te faatere raa i ta'na
mau ohipa i te pae tino nei, mai te haapapu maitai mai oia
e, "*Fariu mai outou ia'u, e na'u e fariu atu ia outou?*"
Malaki 3:7. Oia mau roa te reira- Hoê mea tei papu mai-
tai ia tatou oia hoi e, fana'o roa te feia tei fariu atu i te Fatu
ia ratou ra na roto i to ratou haapao raa i te ture. E oti noa
ihoia ia te mau fare pure rarahi, te mau Hiero rarahi, te mau
pahi, etc. no te mea ua fariu atu, na hi'o atu e ua haapao
atu te Fatu ia ratou. "Iriti mai ai i te mau ha amaramara-
ma o te rai aninii mai ai i te taoa rahi roa ei maitai no outou.

Haapao i te ture. E fariu mai Te Atua. E oti noa te
te mau mea atoa. Te huru ia oto tatou Hiero apî i Los
Angelea.

Papai hia e Taumata a Mapuhi.

TE EKĀLESIA A IESU MESIA

E ITE OUTOU IA RATOU I TA RATOU I FAAHOTU MAI?

U A parauhia e te tahi mau taata no roto i te tahi atu mau Faaroo ee e, “Ua riro te Ekalesia Momoni ei faahaparaa i to te mau fenua i mau i roto i te reira Faaroo.”

Na roto i te reira mana'o noa e mea nehenehe paha ia parau ratou mai te reira te huru, area ra, mai te mea ra ia e, e mea ite ratou i te Ekalesia a Iesu Mesia i te Feia Mo'a ite mau Mahana Hopea Nei, aita roa ra e nehenehe ia ratou ia parau e, “Ua riro te Ekalesi Momoni ei Faahaparaa”.

I teie matahiti i mairi a'e nei ua faatupuhia i roto i te oire pŭ o Los Angeles, California na roto i te radio, te hoê mau ohipa uuiraa mana'o e te mau pahonora tei faatupuhia e te hoê taata rahi tuiroo o Taote Fifield to'na io'a. E taata rahi hoi teie no te tahi Faaroo e atu, e ere no teie nei Faaroo. Ua na ô maira te uiraa ia'na”.

“Ua parauhia e mea rahi a'e te Feia Mo'a i te oire Los Angeles e te mau vahi i tapiri mai i reira i to te oire rahi i Roto Miti iho. Aita anei outou e mana'o e, o te hoê teie faahaparaa.”

Ua pahono atura oia ia ratou, na o
Atura;

“Aita, aita roa vau i mana'o e e faahaparaa te reira. Te mana'o nei ra vau e ua riro te reira

hi'oraa na te tahi atu mau Faaroo. Te mana'o nei au, e roaa mai te reira ei haapiiraa na te mau faaroo Porotetani atoa i te huru o te Ekalesia Momoni. Aita hoê Ekalesia i roto i teie ao tei tauturu i to'na mau taata apî mai te Momoni te huru. Rave rahi te mau taata rahi i teie Ekalesia ta'u i matau maitai. Pinepine to'u tae raa i te oire rahi i Roto Miti, e aita vau i îte i te Feia tei hau atu i te maitai e te maramarama i to te tahi atu mau vahi ê atu. E mea ma to ratou oraraa i te oraraa o te tahi atu mau taata o te tahi atu mau faaroo. Te tauturu nei te Momoni i to ratou Ekalesia na roto i to ratou iho hinaaro mau, e te horoa nei te Ekalesia i teie nei tautururaa i nia iho i to'na mau taata mai te tauturu ia ratou i to ratou mau ati, e aita roa hoi hoê melo no ratou i roto i te tapula Feia ati, e tauturuhia nei e te Hau Fenua.

I to'u mana'o i teie nei Ekalesia Momoni tei mau i to'na mau taata i te hoê tiaraa teitei rahi roa, te haere roa i mua na roto i te mau Haapiiraa teitei. Aita roa ia hoê e vai nei te nehenehe ia faauhia'tu i teie nei Ekalesia Momoni i to tatou nei anotau.

Aita, aita roa vau e mana'o nei e, ua riro te Ekalesia Momoni ei faahaparaa i te vetahi atu mau Ekalesia. Te mana'o nei ra vau e, ua riro te reira ei tautururaa i to'na mau melo e te mau melo apî i faafariuhia mai ia rave atu â i te ohipa maitai. Ua riro te Ekalesia Momoni ei hio'raa na te mau taata atoa,"

Oia mau, e au mau taeae e au mau tuahine, na hinaaro tatou e fearoo i te mau mea maitatai no teie Ekalesia, e Ekalesia Man a Iesu Mesia, area rr, teie te hoê uiraa. "Te tia roa ia tatou ia ni noa ia tatou ibo oia hoi e, e mea tia ora anei to tetou huru i to teie mau parau faufaa rahi roa tei a parauhia no tatou nei. Te mono mau nei anei tatou i teie Ekalesia, oia te Pasileia a te Atua Te Feia Mo'a Mau no to tatou metua i te ao ra, na roto i te mau mea atoa ta tatou e rave nei?

I te mahana Sabati aamu ai tatou i te oro'a o te Fatu Ia Iesu Mesia e haapao tamau noa tatou i ta'na mau faaueraa e te hinaaro i te haapao i to'na atoa ra man hinaaro. Ua riro tatou ei îte i mua i to tatou Metua i te ao ra no teie mau mea atoa na roto i te mau haapaoraa o ta'na mau faaueraa-

Ua faaite mai te Fatu ia tatou te e'a ta tatou e haere ma te hape ore i roto i ta'na Ekalesia mau.

I te hoê taima aa'o atu ai te Faaora i ta'na ra mau pipi mai te faaite atu ia ratou i te mau mea te fatata i te tupu i te mau mahana hopea, na o atura oia.

"E e parau-heere-hia te Evanelia o te Basileia nei e ati noa'e teie nei ao, ia îte te mau fenua atoa: O te hopea ihora ia i reira ra." *Mataio 24:14.*

Tei roto i te a'o nei hoê ahuru tauatini Misinare i te taima hoê i te pororaa i te Evanelia i faaho'ihia mai e Iesu Mesia, e e mea tia roa atoa i te Mau Mela atoa o te Ekalesia ia poro atoa; te Evanelia o Iesu Mesia. Mai te aha te huru o to tatou nei pororaa? Na roto ia i te mau mea atoa ta tato e rave e na roto i te haapiiraa i te Evanelia a nebenehe atu ai ia tatou atoa ia haapii atu i te reira i te taata nei. Ia haapao tatou i te mau faaueraa e ia taa'hi tatou na nia i te

e'ata te Fatu i faaineine no tatou ua a'o mau ia i te Evanelia ia ore ra tatou ia na reira ra, ua faahapa tatou i te Evanelia Mau. Ua papaihia i roto i te Bibilia, *Mataio 7:16:20* Na o maira.

"E îte outou ia ratou i to ratou hotu'raa, no nia anei te vine i te tatara-moa i te pafairaa mai; e te suke no nia anei te motuu? E faahotu mai te mau raau maitatai atoa i te huero maitai, e te mau raau iino ra, e faahotu mai ia i te huero ino. E ore e tia i te raau maitai ia faahotu mai i te huero ino, e ore atoa te raau ino e faahotu mai i te huero maitai. E îte hoi outou ia ratou i ta ratou i faahotu mai".

Tatou, to te Ekalesia nei, ia vai papu to tatou nei faaroo e riro ihoa ia tatou nei te re. E ore roa te reira e hape. E ore roa te parau mau e mou. E haamaitai oia ia ratou atoa tei mau i te reira. Tei ia tatou te parau mau. Ia haapao tatou i te parau mau e ia faaherehere i te reira, i roto i to tatou nei oraraa, e haamaitai hia ia te ao atoa nei na roto i te Faaho'iraa Mai o te Evanelia Mau o te Mau Mahana Hopa Nei.

OIA MAU, *"E ITE OUTOU IA RATOU I TO RATOU HOTURAA"*.

"Eaha ra to oe Hoturaa".

Papai hia Aramona Orometua.

EDITORIAL

U A tia noa te hoê taata i pihaiiho i te hoê tumu raau, e ua amu oia i te hotu no nia mai i taua tumu raau ra; a amu ai oia i taua hotu ra, i ihora to'na aau i te oaoa

rahi roa, e te anaanatae, e te mauruuru, no te mea, na ite oia e ora te taata nei na roto i te amuraa i tana h tu ra.

I muri iho ite atura oia i te hoê pape ri'ari'a i te taberaa i pihaiho i taua raau ra, e ite a'era oia i to'na mau taata i tera pae mai o te pape ri'ari'a ra, i taua taime ra tuô atura oia ia ratou e ua parau atu e, A haere mai outou ia'u e amu i te hotu ra, tei hau to'na maitai i to te mau hotu êe atoa ra.

Ite a'era oia i te hoê auri tei na te pae anavai ra to'na haerea, e na tae roa taua auri ra i pihaiho i te raau, e na muri iho na ite oia i te hoê e'a afaro roa e te pirihaio i pihaiho i taua auri ra.

Na roto i to te taata tamataraa ia tae roa ratou i pihaiho i te raau i itehia e ratou, na topa te tahi pae i roto i te anavai, no to ratou piri, e te faahemaraa e te paruparu. Area ra e rave rahi tei noaa ia ratou te auri aratai, e te e'a, e na tae roa ratou i pihaiho i te raau no te ora.

E homa e, ua ite tatou e parau mau aua'e teie mau parau atoa ra, oia hoi, te tumu raau ra, o te tumu ia no te ora, te hotu ia, o te ravea ia ia ora te taata nei e a muri noa'itu; te auri ra, o te parau ia a te Atua i horoahia mai i te taata nei, te e'a ra o te mau ohipa maitai ia, Te pape tahe ra, oia hoi te anavai ra, o te area ia i ropu i te mau taata e te tumu raau; te mau faahemaraa a Satane, e te piri e te mähü piri, o te mau faainoraa ia a te taata nei o te haapiri i te mata e te faaetaeta hoi i te aau o te tamarii a te taata nei, e te aratai ia no te afairaa ia tatou na te e'a aano, oia hoi, te piti o te pohe.

E tomo na te uputa pirihaio; te atea nei hoi te uputa e te aano nei te e'a e tae atu ai i te pohe: e e rave rahi tei na reira i te tomo. Te apiapi râ te uputa e te piri hoi o te e'a e tae atu ai i te ora, e te iti o te feia i ite atu i te reira. Mataio. 7:13-14.

TE HUERO ITI.

I TE taime i faanauhia mai ai te taata i roto i teie nei ao, ua tanuhia te hoê huero nainai i roto i te pãpã o to'na aau, e na teie huero nainai e aratai e e haapii ia'na i te mau mea no to'na haere raa na roto i teie nei ao, e na te reira e haapii ia'na, *te vai nei te hoê mana teitei i nia'e i to'na*, e na teie huero iti e faatupu i te hinaaro, i roto ia'na, ia haamori i te hoê mea. Te reira te tumu i haamori ai te tahi i te Atua, e te tahi te mahana, e te tahi tera mea e i tera mea.

Ia faaroo oia i te reo iti o teie huero nainai, na te reira e faaite ia'na i te parau mau, e aratai ia'na na te e'a afaro e aratai atu ia'na i te vahi no reira mai oia. Ia ore râ oia ia faaroo i teie reo iti, e ia faatia i to'na iho hinaaro, e riro ia e, mai te mea ra ua pohe teie huero iti, no te mea eita teie taata e faaroo faahou i to'na reo, e teie te taime e rave ai teie taata i te mau huru hara e te mau huru ingo atoa, no te mea aita to'na e paruru.

I te oraraa o Anatone W. Ivine, e rave rahi te mau matahiti ta'na i haere na rotopu i te *Ati Lamana* ia poro haere i te Evanelia, e te na ô maira oia e; *Aita roa oia i îte i te hoê Ati o tei ore i faaroo e, ua vai te hoê oraraa na mua i to ratou taeraa mai i roto i teie nei ao*. Na mua a'e i to ratou faaroora i te Evanelia, aita ratou i îte papu i te huru no tana oraraa ra, e te tumu i tae mai ai ratou i roto i teie nei ao; area ra, teie te hoê aamu tei haapiihia'tu e ratou i ta ratou mau tamarii: *Na mua i to ratou fanauraa i roto i teie nei ao, ua parahi ratou i te tahi a'o i pihaiiho i to ratou Fatu: e ia oti ta ratou ohipa i teie nei ao, e ho'i faahou atu ratou i taua*

vahi ra. Te haapii atura hoi ratou e, te vai atura te hoê e'a afaro roa te aratai Faahou atu i te taata i mua i te aro o tera Varna Rahi, e te mau taata tei hinaaro ia haere ua nia i tana e'a ra, ia haapaohia e ratou te mau ture e tia'i. I roto i ta ratou haapiiraa, o Satane te tumu no te mau ino i roto i teie nei ao, e te ofi te tapao ia no'na, e na'na i afai mai i te mau hara atoa i roto i teie nei ao; e no te reira tumu, eita roa ratou e taparahi i te hoê ofi, no to ratou mata'u i taua mana ino ra; e haapiiraa tabito teie, e e haapiiraa nehenehe roa hoi.

I teie nei mau mahana, te vai nei te varna ino i rotopu ia tatou, e te tamata nei oia ia aratai ia tatou atoa no nia mai i te e'a afaro, i roto i te hara e te peapea. Te rave nei oia i ta'na ohipa i te ao e te pô, aita roa oia e taoto. No reira a ara tatou, a faaroo tatou i teie reo iti, a haapii atu i ta tatou mau tamarii i te parau a te Atua, a tanu i roto i to ratou mau aau, *te Faaroo Rahi.*

Te vai nei te hoê aamu nehenehe tei papaihia i roto i te Buka a Moromona tei na ô mai e: *Aore â ratou i tama'i, aita râ ratou i matau i te pohe, ua rahito ratou mana'o i te tiamâ o to ratou ra mau metua i to ratou iho ra; oia ia, i hapihia na hoi ratou e to ratou mau metua vahine, ia ore ratou ia feaa, e faaora te Atua ia ratou.*

Ua faatiatia maira ratou ia'u i te mau parau a to ratou mau metua vahine, ua na ô maira, Aita matou i feaa e ua îte to matou mau metua vahine i te reira. Alama 56:47-48.

Na teie mau parau i faaite mai ia tatou i te faaroo rahi o teie mau taata apî e 2,000. I te taima i haere atu ai teie mau taata apî e 2,000. a Lamana, ia tama'i i roto i te nuu a Helamana, ua tanuhia i roto i to ratou mau aau te faaroo rahi, i to ratou Atua, no te mea, na to ratou mau metua vahine i haapii atu ia ratou e, *Etiāha e feaa i te Atua, e na'na e paruru ia outou.* E aita te hoê o ratou i pohe i roto i

tana tama'i rahi ra.

No reira a faaitoito â tatou i te haapii i te Evanelia i to tatou mau tamarii.

E PARAU RII API

Ua pohe Geo. W. Burbidge [Tihoti]

I te 18 no Mati na tae mai te hoê niuniu no *Roto Miti* mai, tei faaite mai e, Ua pohe to tatou, Orometua e *Eperesiteni Mitione O Geo. W. Burbidge (Tihoti)* Ua û hia oia e te *Pereoo*.

Ua tanu hia oia i te 21 no Mati i *Roto Miti*. O *Tihoti Boropiti*, te hoê taeae tei here hia e te mau taata atoatei fare-rei ia'na ra. E taata haehaa, e taata tiaturi oia i te mau haapiiraa a te *Fatu*, e e taata haapao oia i te parau o tei na ô mai e, *Eiaha e haapue noa i te tao'a na outou i teie nei ao, i te vahi e pau ai i te huhu e te pe, i te vahi e tomohia'i, e, e eiâhia'i e te eiâ; e haapue râ i te tao'a na outou i nia i te ra'i, i te vahi e ore e pau ai i te huhu e te pe, e ore hoi te eiâ e tomo i reira a eiâ ai, Mataio. 6:19-20*

Ua na reire to tatou taeae, i teie nei na haere oia i reira parahi ai i roto i te vahi i faanehenehe hia no na ra.

Te Tere o Paraita i Tubuai.

U A Faarue o Paraita i Papeete i te 2 no Eperera. Ua tapae i Tubuai i te mahana toru i te ahiahi. Ua faatupuhia te hoê putuputu raa i te mahana maha i te pô

no te hoê haapiiraa tuuraa tapao, na Tufarina a Taba te haapiiraa. Ua faatai hia te pupu pû na Reroi Peresiteni i faatere taua ohipa ra, Te mau himene tarava na te mau amaa Taahuaia e Haramea e Mahu. Te hoê pupu Kitara na to tatou mau hoa Kanito, E mea nehenehe roa te mau ohipa iravehia i taua pô ra,

Te mahana pae na faatere hia te mau pureraa no te Amuiraa Eperera te mau aoraa e mea nehenehe roa, te mau ohipa i taua purera ra.

Ite pô ua faaterehia te haapiiraa hohoa nate mau Amaa. Ua faatai atoa hia te pupu pu, te himene tarava e te tahi atu â mau ohipa.

I te oti raa te pure raa Autahua'raa, e te pure raa Tuahine, Ua haere te Feia apî no te haatiraa i te Fenua. I te pô mahana maa. Oriraa na te feia Apî. Ua tae mai te taata i taua pô ra, aita e ô i roto i te fare. Ia poipoi i te Sapati ua faaotihia te Amuiraa.

Te pae no te maa aita ia e opu no te farii i te reira. I te mouire i te hora ahuru mapiti i te avatea na faarue matou i Tubuai. Ua tapae mai matou i Papeete nei i te mahana toru i te hora 12 i te avatea. Eita e moe ia matou teie tere nehenehe no te ora raa ote Tino e to te Varua hoi.

IA MAITAI OE O TE TAO I TEIE PARAU.

*Papai hia to outou taeae iti Tufariua a Taha
Mitinale Faaue*

